

tag gebracht worden/ so bin ich demnach desto getröster gewest/ Ewer Röm: Kay: May: als
meinem allergnedigsten herren/ solchen meinen geringfügigen angewendten fleiß vnd arbeit/
hiemit in höchster vnterthenigkheit zudediehn/ ganz vnterthenigist vnd demütigist Bittende/
Ewer Röm: Kay: May: wölle denselben gnedigist erkennen vnd auffnehmen/ vnd fürhin/ wie
bisher in der selben schutz vnd schirm/ mich allergnedigist befohlen zuhaben geruchen/ das bin
ich als ein getreuer gehorsamer diener die zeit meines lebens/ in gebürender schuldiger diemit/
höchstes vermögens zuuerdienen geflissen vnd willig. Der allmechtige gütige vater vnd Gott/
wöll Ewer Röm: Kay: May: vnd das höchlöblichste hauß Osterreich/ in langwiriger hail-
samer/ friedlicher vnd glücklicher regierung/ dem heyligen Reich vnd allen andern vntertha-
nen/ Zu sonderm trost/ Schutz vnd schirm/ gnediglich fristen vnd erhalten.

Geben inn Nürnberg am heyligen Oster abent/ nach Christi vnseres liebsten Herren vnd
Seligmachers geburt im Fünffzehnhundert vnd achtvndsechszigstem Jare.

Ewer Röm: Kay: May:

Aller vnterthenigster gehorsamester
diener.

Wenzel Jamitzer burger
vnd goldtschmidt zu
Nürnberg.